

Fundacion Rancho ta presenta:

Proyecto Marshe Aruba pa mantene cultura bibo

ORANJESTAD – Ayera mainta, durante un conferencia di prensa di Fundacion Rancho, a duna di conoce nan proximo proyecto cu ta Marshe Aruba, un actividad hopi conoci na Corsou y Boneiro, unda ta vende diferente producto.

Clifford Rosa, Presidente di e fundacion, a splica cu nan tin hopi tempo trahando riba e proyecto aki y den principio ya caba ta bibo na Corsou y Boneiro. Marshe ta un luga unda hende ta haya tur locual mester, manera cuminda y e idea ta cu nan lo trece esaki na Aruba.

E proyecto lo tuma luga dia 28 di november den e barrio di Rancho conoci como Rancho Plasa, desde 4or te 9or di anochi, cu e presentacion di algun hende cu a inscribi caba. Hende cu tin productonan pa vende por huur un espacio cerca nan pa 25 florin.



Rosa a bisa cu esaki ta pa asina inicia un proceso caminda ta bay pone e comunidad pa trece e productonan local pa su comunidad. Un sistema cu nan ta bay crea pa duna e comunidad den Rancho y Aruba e oportunidad pa yega na un mercado (Marshe) unda ta haya tur posibilidad di cumpra productonan fresco.

Esaki ta un desaroyo completo di Markthallen y Schoenerhaven den centro di Oranjestad pa crea e oportunidad pa hendenan local por bin riba e mercado y duna servicio, producto local of tur locual nan tin pa , manera souvenir y arte. Rosa a indica cu esaki ta bay bira e proyecto cu Fundacion Rancho lo cuminsa pronto, pero tambe tin di haber cu desaroyo economico di Rancho.

Schoenerhaven, e area ubica otro banda di caminda di Royal Plaza, ta e mercado y tras di dje ta e area cu ta wordo yama asina, unda e comunidad di Rancho tabata biba di dje. Esey ta locual nan kier conserva un biaha mas con por mantene e historia cultural bibo y tambe haciendo e parti comercial.

Di mesun manera, Rosa a comenta cu nan tin tempo caba di colaboracion mutuo cu Fundacion Marshe di Corsou, unda nan tabatin e



proyecto di restauracion di e Marshe bieu. Tur locual cu ta sosode cu e cambianan cu ta biniendo, e forma di traha di Marshe di Corsou cu pa Fundacion Rancho ta un aliado pa e proyecto na Aruba, cu tin di haber cu e variedad di maneho cu nan tin riba e mercado cultural y tradicional.

Di su parti, Ginelly Quandt, coordinador di Fundacion Rancho a señala cu e proyecto aki ta un inicio di un proyecto cu nan kier cuminsa otro aña, den cual kier ofrece no solamente pa e comunidad di Rancho y henter Aruba, kier crea proyectonan educativo pa e habitantenan di barrio conecta cu Marshe.

El a bisa cu e habitantenan cu algun workshop por siña traha cu material di arte y asina nan por haci pa otro añanan tur luna, e meta ta pa haya e fondonan necesario pa sigui cu e proyecto pa otro añanan, nan a pidi un peticion caba na Cede Aruba pa traha hunto pa crea e parti social di con por educa hendenan, zorg pa nan tin algo bon prepara pa por funciona den un Marshe pero tambe nan mester haya fondo pa e parti di logistica.

Importante ta, cu Quandt a menciona cu Marshe tin un full costo di operacion y como fundacion nan ta purba di cuminsa cune y tambe nan mester di sponsor pa yuda nan realisa esaki mas den

futuro y hende por tin un Marshe cada luna den barrio di Rancho.

Tambe el a haci un yamada pa tur compania of hende cu tin algun idea of kier vende nan producto pa tuma contacto cu nan na stichtingrancho@gmail.com of via telefon na 6617671 y asina por wak con por colabora pa haci di e Marshe un proyecto exitoso.

Centro di Actividad Rancho kier bay cuminsa proyectonan educativo pa e habitantenan di barrio por cuminsa crea na productonan, duna e sosten pa nan por bira mas sostenibel riba nan mes pa asina nan por bay dilanti cu e parti di problemanan social.